

NOBLE

Fine Scottish Whisky

Un whisky Escoses especial prepara cu hopi dedicacion pa perfeciona su sabor y calidad

Palmera Quality

L.G. Smith Blvd. 140 Tel: 582-2122



Proyecto di teatro ta stimula e desaroyo creativo den nos hubentud

FARPA por constata cu e metanan stipula ta ser logra

Fundacion Arte Pro Arte (FARPA) ta masha orguyoso di presenta na comunidad di Aruba e siguiente festival di e Proyecto "Nos hobennan na palabra den Teatro di Bario" y 'Stars On Stage' cu ta tuma lugha den luna di september 2011 te cu december 2011 den diferente bario na Aruba. Desde januari 2010 a cuminsa lanta gruponan di teatro den bario. Gruponan di teatro cu ta consisti di hoben. E meta no ta solamente pa duna e hobennan chens pa stimula nan talentonan rib'e tereno teatral, pero tambe pa stimula nan creatividad y nan desaroyo cultural. Efecto di

nan participacion lo ta cu e ta stimula nan pa actua como un ciudadano responsabel. Ta hopi importante pa nos hubentud haya e oportunidad pa desaroya nan mes artisticamente y culturalmente. A pesar cu educacion di Arte ta parti di nos curriculum di nos enseñansa, te ainda no tin ora den e curriculum di enseñanza pa teatro (y baile) pa scol basico y scol secundario. N'e momento aki arte incluyendo teatro no tin e lugha den scol cu e ta merece. E proyecto aki ta crea oportunidad pa nos hobennan desaroya nan mes dor di por expresa nan mes mas optimal posibel

pa medio di teatro. Ta hopi importante pa nos hubentud haya e oportunidad pa desaroya nan mes artisticamente y culturalmente. FARPA por constata cu e metanan stipula ta ser logra. Awor cu nos ta wak bek riba un aña di trabao nos ta contento y orguyoso cu e logronan di nos docentenan. Nan trabao no tabata facil, pasobra e facilidad y medionan no ta completamente adecua pa haci e trabao cu e hobennan riba un forma optimal. Sin embargo nan a logra di yega na un resultado esta un presentacion cu e hoben ta sinti'e orguyoso di dje y cu e lo

recorda pa resto di su bida. No e esfuerzo di e muchanan so pero tambe e aporte di fondonan, mayor, instancianan y otro boluntarionan ta merece un palabra di gratitud. Boso sosten no solamente a fortifica e amistad y lealtad cu boso tin cu FARPA pero tambe a duna e hoben un experiencia nobo y constructivo cu lo yud'e den e futuro di su bida. Aruba henter ta keda invita pa participa na e festivalnan cu ta tuma lugha den e proximo lunanan aki y asina duna nos hobennan e apoyo y estimulo pa sigui desaroya nan mes.